



**HOTEL SECRETS
MESTER TA
BENEFICIOSO PA
NOS HENDENAN LOCAL**



WWW.SOLODIPUEBLO.COM



SOLODIPUEBLO@GMAIL.COM

**UN AÑA DI
PRISON PA
HOMBER CU A
FREGA TRAS DI
TRES DAMA NA
LUGAR PUBLICO**

**CHAUFFEUR A PERDE CONTROL
NA BIRADA DI ROOI TAKI Y A BAY
CAY DEN AWA**



Prome Minister a reuni cu señora
Jeanette Baars di CMMA
**ARUBA TA UN "ONE HAPPY
ISLAND", NO TIN LUGA PA
TRAFICACION DI HENDE NI
PA SCLAVITUD MODERNO**



**"ARUBA PREPARANDO FUERTE
PA WEGANAN INTERINSULAR
CURAÇAO 2024"**



**TURISTANAN MAMA CU YIU A
BOLTER CU QUADRACER PABAO DI
HUDISHIBANA Y A KEDA HERIDA**



Parlamentario Ricky Hoek (MEP):

GABINETE WEVER CROES I & II A TUMA TUR PASO NECESARIO
PA ATENDE CU CASONAN DI ABUSO DI MUCHA (PARTI 1)



, Aruba 5 april 2024: Bo tabata sa cu na fin di maart ultimo, Gobierno di Aruba (Gabinete Wever-Croes II) a decreta luna di april 2024 y tur otro luna di april benidero como ‘Luna Nacional Contra Abuso di Mucha’?

Cu e decreto aki Gobierno di Aruba ta tuma un paso mas y kier pidi tur ciudadano pa pensa un rato riba e problema serio di tanto abuso di mucha como abuso sexual di mucha.

E abuso ta causa un dolor profundo na e mucha y su famianan y lo tin un impacto den henter e bida di e mucha.

E articulo aki ta forma parti di un serie di articulonan di loke Gobierno di Aruba a haci pa cu abuso di mucha, asina Parlamentario Ricky Hoek, di Fraccion di MEP a indica.

Inicio

Na 2017 ora cu e caso di e dos angelnan a shock henter pueblo di Aruba, Gabinete Wever-Croes I (cu recientemente a huramenta), a compromete nan mes cu extra prioridad lo wordo duna na e tematica di proteccion di mucha.

Un estudio a demonstra cu 99% di casonan di abuso sexual

di mucha ta wordo cometi door di un miembro di famia of un conocir (e abusador).

Accion relampago

Den corto tempo despues di e caso lamentabel di 2017 Gobierno a institui e Sociaal Crisis Plan (SPC). E meta principal di SPC ta(bata) pa reenforza na un forma integral e sistema nacional di proteccion di mucha.

Prevencion


Prevencion ta den bo man y akinan e rol di Gobierno y e profesionalnan ta minimo. Di e forma aki Gobierno y profesionalnan a tuma hopi accion di prevencion den e ultimo 7 añanan riba diferente tereno, entre otro:

- 1.Codigo di Proteccion cu a keda aproba na 2019 y a drenta na vigor na 2021. E Codigo di Proteccion ta un sistema di proteccion di 5 paso cu ta yuda e profesionalnan den sector hudicial, social, salubridad y enseñansa. Por aplica e codigo na momento cu tin sospecho di abuso di mucha entre o te cu 18 año. (www.codigodiproteccion.com)
2. Curso di 'Signs of Safety' pa profesionalnan den sector social, enseñansa, salubridad y husticia pa asina tur por reconoce, usa mesun tecnicanan y raporta na forma uniforme ora di caso di abuso di mucha.
3. Family Justice Center (FJC). Esaki ta un instancia central caminda lo tin e FJC, Slachtofferhulp, Jeugd & Zeden Politie

(JZP), y e medico forensico cu Aruba lo tin di su mes. E FJC ta den construccin y ta cumpli standardnan pa loke ta trata investigacion di casonan di abuso di mucha. E FJC tin entre otro: verhoorkamers, kindvriendelijke ruimtes (espacio special pa mucha), sala di control, sala di detencion di sospechosonan, camaranan di vigilancia, sistema di intercomunicacion y espacio pa medico forense. 4. Campaña nacional ‘Mi Mesun Heroe’ di 52 episodio educativo pa concientisa e muchanan for di chikito kico por y kico no por.

Den un proximo articulo, Parlamentario Hoek lo sigui elabora mas riba e tema importante aki.

ALGUN CAS A KEDA SIN CORIENTE DESPUES CU TRUCK
A DAL SPAANDRAAD DI PALO DI LUS



Diabierna mainta a drenta informe di un accidente na Sero Patrishi, mesora a dirigi un patruya na e sitio. Na yegada di e patruya a bin compronde cu aki ta

trata di un accidente cu lo a sosode den oranan di madrugada ora cu un truck a pasa dal un spaandraad di un palo di lus y a pone cu coriente a bay na algun cas

den cercania. Polis a tuma detayenan di e accidente y a avisa ELMAR di esaki!



Ministro di Husticia y Asunto Social ta anuncia cu entrante **08 april 2024** segun Ley di Molester, durante 30 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53** di un peticion di permiso cu a ser haci pa un **instalacion di gas di 150 galon na Caya G.F. Betico Croes 164**. Den e periodo aki tur hende por expresa por escrito nan desacuerdo cu dunamento di e permiso menciona. Esaki mester ta dirigi na Ministro di Husticia y Asunto Social mediante director di Departamento di Legislacion y Asunto Huridico, Schotlandstraat 53.

MINISTER ENDY CROES TA DESEA E ALUMNONAN DI COLEGIO NIGEL MATTHEW HOPI EXITO CU NAN BIAHE EDUCATIVO NA CANADA

Diaranson merdia, Minister Endy Croes a bishita Aeropuerto Internacional Reina Beatrix pa saluda y desea exito na e 80 alumnonan di H4 y HL2 y e diesdos (12) guianan di Colegio Nigel Matthew cu a sali di biahe pa Canada.

E alumnonan a biaha di 3 pa 10 di april, unda cu nan lo bishita diferente “college” y universidad cu Minister Endy Croes a firma un acuerdo, entre otro, Sheridan College, Bishop University, Niagara College, Seneca College y Ontario Tech University.

E meta di e biahe educativo aki ta pa e studiantenan

tin un miho bista di kico e scolnan avansa na Canada ta ofrece y cual estudio ta ricibi financiamiento di Arubalening. Ademas di esaki, e studiantenan por experencia un otro cultura y clima.

E comision organizado di e biahe educativo aki ta consisti di: hefe di delegacion, Sr. Ricky Arends, Sra. Laura de Cuba, kende ta encarga cu e administracion y Sr. Cedrick Kelly cu ta maneha e parti operacional.

Pa conclui, Minister Endy Croes ta desea e studiantenan hopi exito cu e biaha educativo na Canada.



Ministerio di Husticia y Asuntonan Social: LUNA NACIONAL DI CONSCIENTISACION CONTRA ABUSO DI MUCHA: CODIGO DI PROTECCION

- En conexion cu Luna Nacional di Conscientisacion Contra Abuso di Mucha, Ministerio di Husticia y Asuntonan Social, conhuntamente cu Ministerio di Asuntonan General y demas departamento di e veld social lo comparti hopi informacion valioso di diferente instancia, departamento y proyecto cu tin como enfoke nos muchanan. Siguientemente un segmento interesante pa loke taCodigo Di Proteccion.

Codigo di Proteccion

Bo tawata sa cu desde 1 di april 2021 Codigo di Proteccion a drenta na vigor y ta un sistema di proteccion di 5 paso pa e profesionalnan aplica na momento cu tin sospecho di abuso di mucha di 0 te 18 aña? Si, asina mes! Codigo di Proteccion ta brinda un cuadro di trabou uniforme unda cu profesionalnan den sector social, hudicial, salubridad y enseñansa sa con

pa atende cu sospecho di abuso di mucha na un manera profesional, sigur y rapido.


Pa sostene nos profesionalnan den e area aki, Departamento di Mucha y Hoben a crea un online toolkit. E toolkit ta diseña pa trainers, e supervisoran di Codigo, y tur e profesionalnan den e 4 sectornan. E toolkit ta trece e informacion na diferente manera. Di e forma aki riba e website den nos toolkit bo por haya casonan, videonan, documentonan y te hasta tipsnan practico di con pa maneha un situacion di abuso! Maske e website ta diseña pa profesionalnan, e ta keda accesibel pa tur miembro di comunidad cu tambe ta desea di sa mas. Mas conocimiento un comunidad tin, mas asertivo y resiliente e ta bira. Di e forma aki nos contribui na un comunidad aun mas capas pa brinda seguridad y proteccion pa nos muchanan prospera.

Bishita nos website www.codigodiproteccion.com y check out e toolkit!

Clasificados

SOLODIPUEBLO@GMAIL.COM

CEL. 585 9500



Noticia di Corte

1 AÑA DI PRISON PA HOMBER CU A FREGA TRES DI TRES DAMA NA LUGARNAN PUBLICO

we mainta Hues di Corte di Husticia a trata e caso penal cu Ministerio Publico a cuminsa contra e homber P. (27), acusa di a haci actonan immoral contra 3 dama riba tres diferente fecha.

SOLO DI PUEBLO por a compronde cu awe mainta a cuminsa cu e cambio di ley caminda victimanan di abuso por bay den Corte pa bisa Hues con nan a sinti. Di e tres damanan, dos a presenta y papia den Corte con nan a sinti y con nan a keda afecta.

ACUSACIONNAN

E acusacionnan cu Fiscal a presenta contra P. ta cu 28 Maart 2023 a haci actonan immoral cu dama D., 26 April 2023 a haci actonan immoral cu dama B. y 28 October 2023, a haci actonan immoral cu e dama G.

FREGA CU PARTI INTIMO TRAS DI DAMANAN

Ora Hues a cuminsa cu tratamento di e caso, el a bisa cu P. a admiti e caso di 28 Maart 2023 y ta desmenti e otro dos acusacionnan. Hues a bisa cu segun relato di Polis, e dama D. a haci denuncia riba 28 Maart 2023. El a bisa cu el a bay na un tienda y ora el a habri porta pa dreña e tienda, el a sinti un hende ta frega su parti intimo su tras. Ora el a bira, el a wak un homber di color cu dread logs ta cana bay. E dos trahadornan dama di e tienda a mira kico a pasa cu e dama. Ta asina cu Polis a haya video di e tienda caminda ta mira cu P. tabata

cana tras di e dama. Polis a detene P. y durante interrogacion a mostra P., e video y el a admiti cu e tabata bou influencia di marihuana y a haci'e. El a bisa cu e kier guia di Reclasing. E acto immoral aki a sosode den oranan di dia y na un lugar publico. Hues a puntra P. pakico el a haci'e. Segun P., algo a pasa cun'e den su mente cu e mes no ta compronde. El a bisa cu e ta arepentí di loke el a haci.

Hues a mostra cu e dama B. a haci denuncia cu 26 April 2023, caminda el a bisa Polis cu el a bay na un tienda atardi na Oranjestad. El a cana bay na su auto den un parkinglot den John G. Emanstraat, caminda tabatin mas auto. Ora e tabata mey mey di e autonan, un homber di color cu dread logs para su tras. El a pensa cu e homber lo kier dreña e auto para banda di esun di dje. E homber a cana pasa tras di B. y a cuminsa frega su parti intimo contra B. E ora ey B. a push'e y grit'e mientras cu P. a sigui cana bay. B. a bay den su auto y sigui su tras y a graba P. riba su celular. Polis a haya e video cu B. a graba y a confronta P. cu e video. Segun P. loke B. ta bisa cu no ta berdad. Segun P. el a pasa entre e autonan y su tas a dal contra B. El a bisa cu ta cu lomba el a pasa tras di B. E ta desmenti di a mishi cu su parti intimo contra e dama B. su atras. Hues a pidi e dama B. cu tabata presente pa scuch'e como

testigo. E dama B. a desmenti loke P. a bisa. Segun B., ora el a bira el a mira P. su cara su tras y frega contra dje. E ora ey B. a push'e. P. a keda insisti cu e tabata cu lomba pa B. ora el a pasa y hasta a bisa sorry ora su tas a dal contra B.

E caso 28 October 2023, e dama G. a haci denuncia. El a bisa cu mas o menos 6.30 di anochi, el a sali for di un lugar y tabata hincando su instrumentnan den auto. Na dado momento, el a sinti un homber ta frega cu su parti intimo su tras. El a bira puntra e homber: " kico ta pasa bo". E momento ey e homber a puntr'e si e kier ayudo. El a bisa cu no y despues e homber a sigui cana bay. G. a dreña den su auto y despues cu el a realiza kico e homber a haci, el a bay pa reclam'e pero no a hay'e. Su siguiente dia el a bolbe a mira e homber y a baha for di auto y a reclama e homber cu otro biaha e lo bay Polis. E homber a bis'e cu no señora ta djis kier a yud'e. G. a saca su potret y a manda e potret aki pa Polis.

P. mes a declara na Polis cu e dia ey el a caba di traha y a bay busca bus. El a mira e dama cu su instrumentonan y cu e dama lo tabatin problema pa hinca su instrumentonan den auto. E ora ey P. a bay para banda di e dama pa ofrece su ayudo. Na dado momento e dama a spanta ora el a mira P. y P. a puntr'e si e mester ayudo. E dama

a bisa cu no y e ora ey P. a sigui cana bay busca bus. Segun P., e dama no a push'e. Despues di algun dia, el a mira hende ta film'e y ta resulta cu ta e dama G., kende a reclam'e pa a frega na dje.

Hues a mostra cu na Juli 2023, Hof a dicidi pa laga P. liber pero na October 2023 G. a haci denuncia y Fiscal a ordena pa bolbe detene P.

PROBLEMA CU DESEO SEXUAL

Hues a mostra cu tin raport di Reclasing cu ta bisa cu e chens ta grandi cu P., por bolbe haci e mesun cos. Nan ta conseha guia di Reclasing pa P. haya trabao. Raport di psicologo ta mostra cu P. lo tin un problema cu ta causa cu regularmente e tin problema cu otronan. Parce cu P. no por controla su emocionnan. Tambe cu P. lo ta haya deseo sexual diripiente y ta haci e cosnan aki pa calma su emocionnan. Ta parce cu P. ta usa marihuana pa baha su emocionnan. Psicologo ta mostra cu P. no ta pensa riba consecuencia di loke e ta haci. E tin problema di personalidad. Psicologo ta haya P. menos responsabel pa loke el a haci. E ta haya cu P. mester haya tratamento pa evita cu e lo bolbe haci cosnan asina. Psicologo ta conseha cu P. mester haya guia intensivo di Reclasing pa tempo largo y tratamento psicologico. *continuacion Pag 6*

HOPI DIA SIN MIR'E NAN A HAYA SU FALTA, BOMBERO A KIBRA BENTANA PA POLIS DRENTA DEN E CAS!



Diahuebs merdia a dreña informe cu algun hende ta preocupa

pasobra nan tin algun dia sin mir'e y ta haya su falta, mesora a dirigi un patruya na e sitio.

Na yegada di e patruya enberdad e cas ta na lock y a pidi bomberonan bin kibra porta of bentana pa dreña wak si e persona ta ok of no. Na yegada di bombero a kibra

e glas di un benta y a habri esaki pa polis dreña.

Na prome instante polis no a hay'e pero despues si y a bin compronde cu e persona mes no tabata contesta yamadanan di su yiu y ni kier wak ningun hende. Pa tur seguridad a pidi pa un ambulans bin control'e y e tabata bon di salud.



“ARUBA PREPARANDO FUERTE PA WEGANAN INTERINSULAR CURAÇAO 2024”



Despues cu Weganan awor ta toca turno Interinsular cu a tuma na Curaçao pa ricibi lugar na Aruba y Bonaire, delegacion nan di Bonaire

y Aruba pa clausura Weganan Interinsular 2024.

Weganan aki ta bay tuma lugar for di 11 pa 14 di April 2024 y e biaha aki lo competi den Atletismo, Volleyball basis school y Basketball voortgezet onderwijs.

Muchanan ta den preparacion fuerte pa



asina un biaha mas duna un bon presentacion na hermana isla Curaçao. Keda pendiente pa mas informacion di IBiSA riba medionan social, tanto riba facebook y Instagram.

Otmar Oduber

MESTER ADAPTA LEYNAN Y PERMITI NOS ADULTONAN MAYOR SIGUI TRAHA SI NAN TA DESEA Y TIN E FORSA PA ESAKI



Otmar Oduber ta di opnion cu na e momentonan aki tin areanan cu tin mester di trahadornan y ta considera cu si un adulto mayor ta sinti y desea cu e por sigui traha despues

di a yega edad di pension, mester por adapta e leynan pa permiti esaki. Un ehempel di esaki ta maestronan di scol, kendenan debi na e ley, ora nan yega edad di pension, na ta obliga di bay cas, siendo cu nan lo por tin e deseo y capacidad pa sigui traha pa 5 of 10 aña mas

“Mi ta kere cu nos mester duna e oportunidad na nos grandinan, pa esnan cu tin experiencia, sigui traha te unda cu nan por y desea. Logicamente mester



parkeer nan pension un rato y por dunanan hasta un bonus na e ratio di e pension cu nan no a cobra, ya cu nan lo sigui biba cu nan salario, cual ta un entrada mas halto”.

Otmar ta expresa cu tin hopi hende fuerte cu por sigui traha, mas aun si tene na cuenta e cifranan cu a bin dilanti durante conversacionnan sosteni cu OPPA, cu ta indica cu 1 di cada 4 adulto mayor na Aruba ta biba den pobresa, cual ta algo inaceptabel!

CHAUFFEUR A PERDE CONTROL NA BIRADA DI ROOI TAKI Y A BAY CAY DEN AWA

Diahuebs merdia a drenta informe di un un accidente na Rooi Taki, mesora a dirigi un patruya na e sitio. Na yegada di e patruya a bin compronde cu aki ta trata di e chauffeur di un Hyundai Accent cu tabata coriendo cu velocidad halto y a perde control y a bay cay cu e auto den e awa. Afortunadamente ningun hende a resulta herida.







SERVICES

- Massage therapies
- Facial treatment
- Hair style
- Pedicure & manicure treatment
- Makeup & waxing

For More Details:

☎ # 5684142 (WhatsApp)

✉ armoniaybellezasalonspa@gmail.com

📍 Shiribana 12 b, Aruba

1 AÑA DI PRISON PA HOMBER CU A FREGA TRES DI TRES DAMA NA LUGARNAN PUBLICO

Continuacion di pag, 4

AVICTIMANAN POR PAPIA DEN CORTE

Door di cambio di ley, awor ta posibel cu victimanan por papia den Corte. Nan por bisa con nan a sinti. B., un docente, ta e promer persona cu a expresa su sentimento. El a bisa cu un simpel atardi a dañá su bida. El a keda cu trauma. El a bisa Hues, cu cada vez cu e pensa cu a pasa, e ta keda sin drumi. El a bisa cu ora e mira un persona parecido na e acusado, e ta pensa pakico e ta pasa den un situacion asina. E victima a expresa cu e ansha, angustia y miedo cu el a sinti na e momento di e fregamento, nunca el a yega di sinti. El a keda cu miedo di bay den caya su so pa algo pasa cun'e. El a bisa Hues cu e berguena cu el a sinti, despues di e lamentable sucedido, pa yega cas pa conta kico a pasa cun'e. El a bisa cu promer pa tempo largo e tabata culpa su mes di lo a para su auto leu. E dama a bisa Hues cu e ta un docente di muchanan adolescente y ta pensa kico lo pasa cu muchanan. El a bisa cu e ta spera cu P. tin suficiente consenshi y pa e haya tratamento.

E otro victima G. a bisa cu e ta agradecido cu tin husticia. E tin berguena di loke a pasa. El a bisa cu e ta comparti gran parti di loke e dama B. a bisa. G. a bisa Hues cu e tin miedo, inseguridad, rabia. E ta sinti cu algo sushi a pasa cun'e.

FISCAL

Fiscal, despues di a scucha e victimanan, a bisa Hues cu actonan immoral ta dificil pa haya prueba pero den e caso aki tin suficiente prueba di sosten. E ta haya e ultimo 2 casonan ta laga na Hues pa dicidi si P. ta culpable ya cu P. ta desmenti. Fiscal ta haya cu tur tres dama a bisa cu P. a frega cu su parti intimo na nan parti patras. Fiscal ta haya cu tin prueba legal mirando cu e acusado P., a keda haci e mesun forma na tres diferente lugar. Na opinion di Fiscal, door cu P. a admiti e promer caso so, por usa esey como prueba pa e otro nan cu el a desmenti. Fiscal a bisa cu tur tres dama a bisa e mesun cos esta cu riba caminda publico P. a frega riba nan cu su parti intimo.

CASTIGO

Fiscal a bisa cu P. ta muestra cu e no tin ningun respet pa e damanan aki. Por a scucha e damanan bisa cu

esaki a afecta nan bida. El a bisa cu e ta tene cuenta cu tur esaki pa cu e castigo. El a tene cuenta cu e raport di Reclasing y Psicologo cu ta muestra cu P. ta menos responsabel pa su actonan. Fiscal a exige 1 aña di prison di cual 4 luna ta condicional y 2 aña di prueba. E parti di 2 aña di prueba ta mara na e condicion special cu P. mester cay bou guia intensivo di Reclasing.

ABOGADO

Mr. Kuster a bisa cu tin 3 denuncia caminda e mesun delito a wordo cometi. E abogado a bisa Hues cu P.(27) segun raport di psicologo, tin e mentalidad di un mucha di 11 aña. For di edad jong e ta usa marihuana y tabata hay'e den agresividad cu e mester a bay institucion na Aruba y Curacao. E abogado a muestra cu P. no sa con pa atende cu su emocion. Psicologo ta muestra e problemanan cu P. tin y cu P. mes no tabata sa cu e tin problema di sexualidad. E raport ta papia cu P. ta menos responsable pa su actonan. E abogado a bisa cu P. a bisa cu e kier ayudo di Reclasing. Psicologo ta recomenda tratamento di psicologo y psiquiatra. Awor cu tur cos ta conoci, P. lo por haya

un tratamiento mas adecuado. E abogado ta haya cu mas liher P. haya ayudo, lo ta mas mihor p'e envez di keda sera den KIA.

SENTENCIA

Hues a sera tratamiento di e caso y a dicta sentencia di biaha. Hues ta haya proba e promer hecho cu P. mes a admiti. Hues ta haya e otro dos casonan tambe proba. Hues no ta duna den declaracion di e damanan y tambe e forma con esakinan a sosode ta mesun cos. Tur tres caso ta damanan adulto y na lugar publico y di sorpresa. Esaki ta haci cu por considera tur tres caso mesun cos.

Pa cu e castigo, Hues a tene na cuenta e impacto cu loke P. a haci cerca e victimanan. Tambe Hues a tene cuenta cu raport di psicologo cu P. ta menos responsabel y cu P. mester haya tratamento. Hues a confirma e exigencia di Fiscal.

El a condena P. na 1 aña di prison di cual 4 luna ta condicional y 2 aña di prueba. E parti di 2 aña di prueba ta mara na e condicion special cu P. mester cay bou guia intensivo di Reclasing.

ACCIDENTE PA FALTA DI PREFERENCIA RIBA CAMINDA DI TERA NA TANKI LEENDERT



Diahuebs atardi a drenta informe di un accidente na Tanki leendert, mesora a dirigi un patruya na e sitio. Na yegada di e patruya

a bin compronde cu aki ta trata di un accidente pa falta di preferencia. Afortunadamente ningun hende a resulta herida.



Parlamentario Christiaans-Yarzagaray:

PARLAMENTO TA DISPONIBEL PA SCUCHA Y HACI CAMBIONAN NECESARIO PA LOKE TA REGARDA LEY DI CACHO

"Ta keda na nos como comunidad pa wak, pero tambe pa raporta y condena"



, Aruba 4 april 2024: Fraccion di MEP tin su reaccion riba e suceso tristo di e cacho Khaleesi. Relaciona cu esaki, Parlamentario Setty Christiaans-Yarzagaray, kende ta un persona cu a para semper pa cuido di bestia, a remarca riba e responsabilidad di e persona cu tin un cacho of pushi pa e cuido y proteccion di e animal aki.

No ta trata solamente di duna nan alimento, pero tambe di brinda nan cuido y amor. Tambe si no ta desea pa nan haya yiu, recurri na sterilisacion. Tur esaki ta hopi importante, sea cu e cacho of pushi, chikito of grandi.

Christiaans-Yarzagaray a agrega cu hopi animal awendia ta wordo alimenta ariba caya paso awor nan ta indesea, pero nan no tin e cuido y e amor compara cu e animalnan cu ta wordo cria na cas manera mester ta.

FRACCION DI MEP TA CONDENA LOKE A SOSODE CU KHALEESI

"Aworakinan tin hopi pensamiento rond di e hecho di kico a sosode cu Khaleesi, cual logicamente anos como fraccion y ami sigur ta condena sigur ora

bo wak e partinan grafico kico a sosode cu e pober cacho aki". e parlamentario a declara.

Emocion ta haci cu aworaki kier castiga, di tur forma, loke a sosode, cu ta logico. Tur hende ta wak na e ley, si tin ley y si e ta wordo bon maneha of ehecuta.

Banda di esaki a wak un peticion cu ta wordo manda rond pa firma pidiendo adaptacionnan di ley.

Parlamentario Setty Christiaans-Yarzagaray kier a accentua cu tin ley. No solamente tin e 'Hondenverordenin'g, pero tambe tin 'Wetboek van Strafrecht' cu ta indica e straf cu hende ta haya den caso cu tin cu bay Corte.

A enfatisa cu ehecucion di ley no ta den man ni di gobierno ni di parlamento. "Pero nos tey si pa yuda y scucha kico ta e necesidadnan na e momentonan aki".

A tuma nota, por ehempel, cu Hulanda na mei 2023 a haci adaptacionnan den castigo, a hisa castigo y a hisa boet. Fraccion di MEP tin e oido pa comunidad den e caso aki. Ta haciendo y ta trahando riba esaki, a remarca. No solamente ta trata e parti di maltrato, pero tambe e parti di

negligencia. Na Hulanda ta tene cuenta cu castigonan pa ambos caso, a indica.

Banda di esaki a tuma nota tambe cu Minister Ursell Arends, encarga cu a area aki, ta trahando riba e ley 'dierenwelzijn' (bienestar di bestia) cu ta otro ley, mester accentua.

Esaki ta bay acapara mas aspecto cu solamente cacho, mirando e hecho cu 'hondenverordening' ta trata solamente e parti aki di cacho. Pero tambe mester reglamenta e parti di pushi y otro bestianan di cas, e parlamentario a bisa.

"E ta keda na nos como comunidad pa wak, pero pa condena y raporta e tipo di actonan aki. Esaki ta un forma cu nos por logra pa yega na miho control di e problematica. Nos cada un por traha di un manera na conscientisa otro di e problematica y sigur raporta cualkier caso na e instancianan corecto manera Centro Control di Cacho, Polis di Bario y si nan no tin e oido, na e fundacionnan cu ta trahando na esaki". Nos cada un cu ta stima cacho of nos mascotanan.

Parlamentario Christiaans-Yarzagaray a reitera cu Parlamento tin oido. Ta bezig ta comparando e ley cu esun di Hulanda. Pero kier accentua cu Parlamento ta disponibel pa scucha y haci cambionan



necesario. Pero esaki ta e parti di legislacion y ainda ta falta e parti di ehecucion di e ley como tambe control cu ta e parti di maneho.

Den e ultimo aki ta unda comunidad por fungi un papel importante pa wak y raporta manera a pasa cu Khalisee. Den e caso di Khaleesi ya caba tabata hopi laat y ta "duel nos te den nos curason pa wak locual a sosode".

"Ley ta importante, pero ta keda anos como comunidad pa condena ora nos wak actonan asina pa yega na un solucion na unda e ley ta bay wordo ehecuta manera mester ta.

Cu mester tin castigo pa tipo di actonan aki ta sin duda. Mester tin responsabilidad ora nos tuma e decision cu nos kier tin mascota. Y esaki ta reglamenta pa ley! Pero mas conscientisacion con anos como comunidad mester cuida, trata nos mascotanan tambe falta", asina e parlamentario a finalisa su declaracion.



Prome Minister Evelyn Wever-Croes

Prome Minister a reuni cu señora Jeanette Baars di CMMA ARUBA TA UN "ONE HAPPY ISLAND", NO TIN LUGA PA TRAFICACION DI HENDE NI PA SCLAVITUD MODERNO

Recientemente, Prome Minister Evelyn Wever-Croes a reuni cu señora Jeanette Baars di Coördinatiecentrum Mensenhandel Mensensmokkel Aruba (CMMA), pa combersa riba tur loke mester wordo haci pa asina CMMA, por haci su trabou debidamente.

Prome Minister a indica cu traficacion di hende ta un problema serio, y lamentablemente, na Aruba tambe nos conoce e problema aki. Pa e motibo aki, e ta di suma importancia pa comunidad semper keda alerta, y na momento cu

tin un sospecho di un acto di traficacion di hende, pa meld esaki inmediatamente na instancianan concerni.

Manera ta conoci, den e region Caribe, e situacion geopolitico ta pone cu hopi ta esnan cu ta desespera pa sali di nan pais, y aki ta unda esnan cu ta comete e acto baho aki, ta tuma bentaha di e situacion, sacando e personanan aki di nan pais bou promesanan falso. Na Aruba, e casonan aki ta pasa hopi den e sector di construccion, prostitucion, y trabounan domestico, na unda e

personanan ta wordo treci akinan y manera nan yega ta kita nan paspoort, nan libertad, no ta duna nan oranan liber y ta pone nan traha pa poco placa.

Traficacion di hende ta un acto castigabel pa ley. P'esey ta importante pa comunidad completo ta alerta, y pa meld inmediatamente, na momento cu tin sospecho di un acto di traficacion. Unabes cu CMMA haya un melding, nan lo investiga e caso y si ta trata di traficacion, nan busca e manera pa por yuda e victima. Pa CMMA e ta importante pa sigui



crea conscientisacion, y di por conta cu e sosten di comunidad na purba combati e problema serio aki.

Pa meld cualquier caso di traficacion, por haci esaki mandando un email pa info@cmmaruba.com, via whatsapp 5975223 of via Facebook Messenger

CMMAruba, cu tur informacion cu por ta relevante.

"Aruba ta un "One Happy Island" y nos kier mantene asina. Riba e isla aki, no tin lugha pa traficacion di hende, ni sclavitud moderno", Prome Minister a expresa.

MINISTER MADURO TABATA PRESENTE NA E FERIA CULTURAL DI COLEGIO NIGEL MATTHEW



Recientemente, den cuadro di e luna cultural y en conexion cu celebracion di nos Himno y Bandera, Minister Xiomara Maduro tabata presente na e Feria Cultural di Colegio Nigel Matthew

E evento aki a wordo organisa pa e studiantenan di e scol aki, cu ayudo di nan docentenan pa conscientisa e balor di e herencia cultural di nos Pais. E Feria Cultural a brinda un



plataforma na diferente artista pa demonstra nan talento y creatividad pero tambe ta crea un ambiente caminda nos comunidad a bini hunto pa celebra e rikesa di nos cultura y alabes promove esaki.

Durante e anochi aki, algun hoben talentoso a subi tarima pa asina presenta un obra multidisciplinario 'Greetings from Aruba' durante cual nan a pone

esnan presente pensa y refleha kico ta locual ta haci nos orguyoso di Pais Aruba.

'Mi kier comparti cu boso, cu e siman aki mi a sinti mi sumamente orguyoso ora mi a experiencia con nos scolnan ta aporta na e desaroyo cultural di nos Pais. Esaki ta yuda pa inculca e balor di nos cultura den muchanan y nos hubentud. Mi curason a yena cu un sentimento di orguyo ora mi a mira con nos futuro generacion ta demonstra nan amor pa nos Pais Aruba y ta biba nos cultura.' tabata palabranan di e mandatario na e ocasion aki.

Minister Maduro ta manda un palabra di gratitud na tur e docentenan, studiantenan, mayornan y tambe patrosinadonan



cu a coopera pa haci e Feria Cultural di Colegio Nigel Matthew posibel. Danki pa coopera pa engrandec e cultura di nos Pais Aruba. Masha danki tambe na un y tur cu ta presente awenochi y asina contribui na un bunita causa pa Colegio Nigel Mathew y su studiantenan por bay haci nan biahe den exterior. Cultura bo tin cu bib'e y cu bo participacion bo ta engrandec e.

ARUBA BANK Y FUNDACION MI CUTISA: UNI PA PRESERVA Y CELEBRA NOS CULTURA ARUBIANO!



Oranjestad – 05 april 2024
-Aruba Bank ta entusiasma pa yuda sostene e herencia cultural di nos isla mediante un colaboracion reciente cu Fundacion Mi Cutisa, un organisacion enfoca ariba e celebracion y preservacion di e cultura unico di Aruba.
Na e centro di e mision di

Fundacion Mi Cutisa tin un variedad vibrante di iniciativanan cultural cu nan ta trece na bida, for di museonan comunitario manera e encantador Museo Cas Tan Tin te creacion di documentalnan cu ta captura e esencia di tradicionnan Arubiano.
Pa alimenta nan trabou

apasiona, Aruba Bank a contribui cu un display di television y un laptop, hermentnan cu lo mehora nan habilidad pa entretene nos comunidad y trece cultura Arubiano pa dilanti.

Imagina e storianan cu lo wordo conta y e historia cu lo wordo comparti uzando e ekiponan aki: charlanan cu ta transporta bishitante a traves di tempo, presentacionnan cu ta desplega e tapiz rico di nos pasado, y sesionnan educativo cu ta inspira e proximo generacion.
E hermentnan aki lo permiti Fundacion Mi Cutisa pa trece



documentalnan na bida den e museo, edita y exhibi imagennan di Arubanonan den vestuario tradicional, y hopi mas.

Nos na Aruba Bank ta orguyoso di hunga un papel den e viahe cultural aki, apoyando e mision di Fundacion Mi Cutisa pa

teje nos herencia den e bida diario di nos comunidad.

Esaki ta nos manera pa sigura cu e tradicionnan vibrante y storianan di Aruba ta sigui enriquece y educa futuro generacionnan, celebrando e spirito cu ta haci nos isla berdaderamente unico.

TURISTANAN MAMA CU YIU A BOLTER CU QUADRACER PABAO DI HUDISHIBANA Y A KEDA HERIDA



Diahuebs mainta a drenta informe di un accidente cu hende herida pabao di Hudishibana, mesora a dirigi tanto polis como ambulans na e sitio. Na yegada di e patruya a bin compronde cu turistanan un mama cu su yiu a bolter cu quadracer y ambos a resulta herida.

Na yegada di e ambulans a atende nan y e mama kende tabata core e quadracer a resulta levemente herida pero e yiu a djies haya algun rasca cu golpi na su curpa. E mama a ser hiba cu ambulans pa hospital y e yiu a bay cu esnan di e compania di tour pa hospital.

CHAUFFEUR FEMENINO CU NO CONOSE CAMINDA DI ORANJESTAD A BINI DI VERBODEN Y A BIRA DILANTI TRAFICO CONTRARIO


Diahuebs atardi laat a drenta informe di un accidente cu hende herida na e crusada Weststraat cu Koningstraat, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda e dama chauffeur cu no conose e camindanan di Oranjestad mucho bon a drenta Weststraat den direccion prohibi manehando un Nissan March biniendo for di nort y a bira a bay pabao den Koningstraat y un Hyundai Accent biniendo di zuid a bay dal riba dje. Un ocupante na banda di unda e impacto tabata



a dal su wowo robes na e rand di e porta y esaki a hincha. na yegada di e

ambulans nan a atende na e sitio mes.

Chauffeur a pega soño tras di stuur bay dal riba 2 auto contrario causando basta daño!



Diahuebs mainta un polisnan di Sanicolas durante patruya a bin top un accidente cu basta daño material y 3 auto involvi, mesora nan a para baha y check kiko lo pasa y si tin

hende herida. A bin resulta cu e chauffeur di un Subaru bayendo direccion pariba a pega soño tras d stuur y a bay dal riba un Nissan Sentra y despues a bay dal riba un

Toyota Pick-up.

Afortunadamente ningun hende a resulta herida pero ningun di e 3 autonan por a sigi core riba su propio forsa.



Mirando cu e Nissan Sentra no tabata tin ningun

documento na ordo polis a confisca esaki den beslag.


Chauffeur burachi a sali for di bar reverse dal auto y polis a detene



Diahuebs anochi a drenta informe di un accidente

na Sabana Blanco, mesora a dirigi un patruya na e

sitio. Na yegada di e patruya a bin comprende cu



aki ta trata di un accidente unda cu un chauffeur a sali burachi for di un bar y a bay reverse y a dal un auto cora staciona. Polis a test e chauffeur y esaki a surpasa e limite permiti y polis a detene.

Clasificados

SOLODIPUEBLO@GMAIL.COM
CEL. 585 9500

CLASSIFIEDS

SOLO De Pueblo

ARUBA DEN COMPETENCIA DI EQUITACION NA PEREIRA



E fin di siman aki ta tuma lugar na e ciudad di Pereira, Colombia e "5ta Valida Internacional de Equitacion" y Aruba lo ta presente cu un

delegacion di 4 atleta. E competencia na Pereira ta importante y ta atrae hopi atleta prominente di equitacion. E ta un bon escenario pa nos atletanan midi nan forza entre tanto participante.

Alabez e federacion Colombiano di cabainan di paso, Fedequinas a otorga pa e huez di Aruba, Juan Zuleta participa como huez oyente na e 3 dianan di feria, esta Diabierna, Diasabra y Diadomingo. Pa Juan e lo ta un gran oportunidad pa practica su habilidad di huez riba un escenario asina grandi. Juan ta e unico huez cu Aruba tin y e lo funciona tambe den e feria Mundial den representacion di Aruba.

E atletanan di Aruba cu lo participa na Pereira ta: Emilie Lomans, Zaria de Groot, Courtney Irausquin y Genesis Pietersz.

Clasificados

SOLODIPUEBLO@GMAIL.COM
CEL. 585 9500

MARAVILLAS DE LA FE

Salud Suerte Amor

Aruba: 748-5671

Cartas di tarot

Bo ta sufrí di un malestar cu bo no por cura?
Bo ta victima di bruheria?
Bo plaka no ya jega?
Bo cumpra numbernan y bo no ta gana?
Bo ta bai casino y no puede tur bo plaka?
Bo tin problemanan di amor?
Bo pareja ta ganiabo?
Fracaso. Soledad. Malesanan angustia. Mala suerte
Comunica na 748 5671

Paardenbaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 05 April 2024 Merdia

Sorteo # 4229 9104 7499 2305 X2 Sorteo # 4229 6555 X3 Sorteo # 2285 8943 Sorteo # 4229 2723 Aries Sorteo # 1103 846 X2	Sorteo # 0 x Jackpot 0 x Match 4+ 0 x Match 4 0 x Afl. 12,00 180.000,-	Sorteo # 0 x Jackpot 0 x Match 4 0 x Afl. 8,00 100.000,-	Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 330.000,-	Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Afl. 430.000,-	Sorteo #
---	--	---	---	--	--------------

Paardenbaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 4 April 2024 Anochi

Sorteo # 8210 5067 6902 4690 x3 Sorteo # 7254 5646 x3 Sorteo # 1959 3058 Sorteo # 6013 7540 Libra Sorteo # 943 628 Fp	Sorteo # 2481 0 x Jackpot 0 x Match 4+ 0 x Match 4 0 x Afl. 12,00 180.000,-	Sorteo # 6434 0 x Jackpot 7 x Match 4 220 x Afl. 8,00 100.000,-	Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 330.000,-	Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Afl. 430.000,-	Sorteo #
--	---	--	---	--	--------------

HOOI FRESCO

A YEGA PA ALF 39,- SO!!!

TEL: 5941317

ADDRESS: THE GOLD MINE

RANCH (MATIVIDIRI 6o)

April 7, Aniversario di un Dia Historico di Paardenbaai

Día 7 di April 1948 e bapor Helicon di Konink-lijke Nederlandse Stoomboot Maatschappij (KNSM) a marca historia drentando Paardenbaai di banda pabou. Anteriormente, tur bapor mester a drenta di banda pariba y sali banda pariba, pasobra e entrada di banda pabou no tabata suficiente hundo. Pa haci esaki, nan mester a draai 180° den awanan di haf, entre e waf (Cornelis Eman Kade) y e rif, un maniobra hopi difícil y peligroso cu e bapornan grandi no por a efectua. Pa acomoda e bapornan cu tabata bira mas y mas grandi, Aruba a realisa cu mester haci un trabou colossal riba Paardenbaai.

E entrada banda pabou di Paardenbaai tabata solamente 12' (3.7 m), suficiente pa e barkitonan di pisca, pero no suficiente hundo pa e barconan di carga. E opcion logico tabata pa coba banda pabou, pero cobamento e tempo ey lo a costa mas cu gobi-erno tabatin pa gasta.

Despues di Guera Mundial II, Aruba a haya ayudo financiero pa haci e cambionan necesario. Na 1947 e empresa Standard Dredging Company a cuminsa coba e entrada di pabou pa eliminate e biramento di e bapornan na waf grandi. Pa dia cu Standard Dredging a caba nan trabou na 1948, henter Paardenbaai tabata 36' (11.0 m) hundo. E entrada di Helicon 76 aña pasa a haci cu awe Aruba por ricibi e bapornan mas grandi di mundo y nos economia ta disfruta di e turismo crucero.



MS Helicon di KNSM



Cu maneho huicioso di Paaardenbaai pa mas di un siglo, a crea e fundeshi pa e turismo di Aruba, e pilar mas importante di nos economia. P'ami, e entrada di M/S Helicon 76 aña pasa ta e icono di e proceso.

Red Carpet movie Premier Siñami Stimabo 2 - Pordon

Diabierna, 12 di april, pa 7or di anochi, na Cas di Cultura, Aruba lo experiencia e gran premier di e pelicula tan espera Siñami Stimabo 2 – Pordon, cu un tremendo evento di Red Carpet cu lo wordo celebra hunto cu e elenco y publico en general.

Siñami Stimabo, ta un proyecto cu a nace na 2015. E parti 1 (Siñami Stimabo – Huicio), a estrenar na Januari 2016, cual tawata un gran exito y cu a wordo muestra na diferente partinan di Aruba y pa diferente organisacionnan. Despues di a sali for di cinema, pa motibo di demanda publico, mes-ter a bolbe drenta cinema pa 2 siman mas. Door di scoge pa haci Siñami Stimabo na papiamento, Marilyn, di e forma aki, kier honra su lenguahe,

cultura y nacion.

E meta di Marilyn L. S. Richardson, cu ta e writer, producer y director, ta, pa medio di su pelicularnan, brinda e pueblo Arubiano cine di calidad cu ta trece dilanti retonan di bida real cu ta resona den hopi hogar, pero cu un chispa di e humor di nos cultura local.

Luchanan cu por bati na porta di cualke individuo sin importa sexo, rasa, religion of status. E pelicula aki ta demonstra e poder di pordon y con e por transforma nos bida y relacionnan pa bon, of haci nos stranheronan na nos mes.

Preparabo pa wordo encantado, conmovi y inspira segun e storia hibabo riba un biahe di roller coaster di emocionnan caminda

circunstancianan di bida real ta topabo riba e pantalla grandi. Lo bo hari, yora y apoya segun bo presencia e luchanan y triumfonan di e personan cu bo a siña stima.

E vision di e director ta pa encurasha e audiencia pa enfrenta e retonan aki cu fe pa por yega na un dialogo cu lo guia na progreso, unidad y sanacion.

Marilyn L. S. Richardson ta naci na Aruba, cu un pasion enorme pa e mundo di cinema. Marilyn su mision ta, pa medio di pelicularnan, habri portanan di oportunidad pa artista Arubiano por demostrar nan talento y resalta den actuacion, y pa medio di e temanan di e pelicularnan, recorda su nacion stima pa no rindi. Tin speranza.



Parokia Santa Anna di Noord ta spera e Pueblo di Dios pa e Celebracion di Dibino Misericordia

Despues di a celebra 9 dia largo e nobena di Dibino Misericordia Parokia Santa Anna di Noord ta invita e comunidad catolico pa uni na e celebracion solem di e Fiesta di Dibino Misericordia. Diadomingo di Dibino Misericordia a wordo institui pa Santo Papa Juan Pablo II y inspira pa Santa Faustina. E festividadnan ta cuminsa riba Diadomingo 7 di April cu un Santo Sacrificio di Misa pa 6ór di atardi.

E ocasion reverendo aki ta un tempo di reflexion, oracion y gratitud ora cu nos honra e mensahe di misericordia cu a wordo concede na Santa Faustina y comparti cu e mundo. E ta un yamada pa braza e dibino misericordia cu ta core for di

curazon di Iglesia y ta extende na otronan pa medio di actonan di amabilidad y compasion.

E anochi ta cuminsa cu un Santo Sacrificio di Misa, un tradicion sagrado cu ta encarna e esencia di e Dibino Misericordia. Parokiano y bishitantenan tur tin e oportunidad pa tuma parti na e experiencia spiritual aki cu ta priminti di lo ta un momento di coneccion profundo y di gracia dibino.

Parokia Santa Anna ta orguyoso di por apoya e herencia di Santo Papa Juan Pablo II dor di cumpli cu e fiesta aki, cu a bira un fuente di speranza y renobacion pa hopi den mundo henter. Nos ta invita tur hende, sin distincion di origen of creencia, pa



uni cu nos den e celebracion di fe y misericordia.

Parokia Santa Anna Noord ta un comunidad vibrante di fe situa den curazon di Noord. Nos mision ta pa biba e mensahe di Evangelio di amor y misericordia den nos bida diario y pa provee un espacio di bonbini na tur cu kier encontra e Dios bibo.



Accidente atrobe na e crusada di Sero Pita

Diabierna mainta a drenta informe di un accidente na e crusada di Sero Pita, mesora a dirigi un patruya na e sitio. Na yegada di e patruya a bin compronde cu aki ta trata di un accidente pa falta di preferencia unda e dama chauffeur di e Hyundai Accent a bira dilanti e dama chauffeur di e Toyota PriusC cu tabata sigi stret. Afortunadamente ningun hende a resulta herida.



Mata a cayriba wayanan di coriente causa chispa y esaki a pone coriente bay na varios parti na Noord



Diahuebs anochi a drenta informe di cu un mata a cayriba wayanan di coriente y esaki tabata tira chispanan di candela te cu coriente a bay na varios parti na Noord. ELMARNV a percura mesora pa atende cu e fayos aki pa asina re-establece suministro di coriente na e barionan afecta.



STICHTING
BLOEDBANK
ARUBA

**BO SANGER
TA SALBA BIDA!**

☎ 587 0002
f StichtingBloedbankAruba

Registra pa bira donante na www.bloedbankaruba.aw

Sudoku

5	3			7				
6			1	9	5			
	9	8					6	
8				6				3
4			8		3			1
7				2				6
	6					2	8	
			4	1	9			5
				8			7	9

	3	8	5	7			9	
	6			1		5		7
	1		3		9		8	
6	9	3		4		7		
2		4			5		6	1
				8			4	9
8			4			9		
3					8	6	7	
5	7		1					4

Wendrick Cicilia (AVP) :

“ Mester un maneho di Vivienda cu ta facilita e proceso pa un hoben adulto yega na su propio cas”

E ta preocupante cu e ta practicamente imposibel pa un hoben adulto cu tin e deseo pa yega na su propio cas, realisa e deseo aki. E problema di accesibilidad di vivienda of accesibilidad na tereno pa construi un cas ta birando dia pa dia mas grandi pa nos comunidad, pero mas especificamente pa nos hobenan adulto. Despues cu nan a termina nan estudio den exterior of na Aruba of esnan cu a dicidi pa ingresa e mercado laboral no tin perspectiva pa nan yega na nan propio hogar. Gobierno no ta percura pa tin un maneho di vivienda cu ta crea oportunidad pa hoben nan adulto yega na

un vivienda of un tereno pa por construi. Esaki ta preocupante y ta genera frustration serca hobenan adulto. Gobierno no tin interes pa figa como prioridad formula un maneho mas flexibel pa atende cu e condicionan inhusto pa yega na un vivienda. Esaki ta un refleho di un Gobierno cu no por garantiza e condicionan basico pa cada ciudadano por tin un quality of life mas eleva. Un hogar ta dunabo e posibilidad pabo duna contenido nabo bida familiar of personal, e ta un condicion fundamental pa un quality of life digno. Gobierno tin cu


hasi un esfuerzo continuo pa garantiza accesibilidad na vivienda pa esnan cu tin e deseo aki. Esaki ta formula como un derecho den tratado nan internacional, manera e Verdrag betreffende Economische, sociale en culturele rechten. Gobierno mester percura pa crea condicion nan husto den maneho pa esnan cu tin un deseo di tin nan propio cas pero yega na realisa esaki.

Mester incentiva construicion di vivienda pagabel pa esnan cu ta desea mas independencia. Gobierno mester activamente facilita inversion priva of combinacion di inversion publico-priva pa construction di mas vivienda cu ta acesibel pa nos comunidad y hobenan adulto. Cambio nan simpel den e maneho actual manera adapta e condicion nan di e erfpachtovereenkomst ta necesario pa elimina condicion nan inhusto cu ta wordo imponi. Ehempel ta crea e posibilidad pa extende e period di 6 luna pa complete e proceso di traspaso di acto notarial cu 6 luna mas. Un otro aspect cu por wordo adapta inmediatamente ta e rekisto cu 30% di e parcela mester wordo construi, adapta esaki na 20% manera e tabata pa crea asina e posibilidad pa esnan cu no tin e recurso financiero pa construi 30% di e tereno.



Gobierno ta impidiendo nos comunidad y especificamente nos Hobenan adulto e aceso na nan propio cas, creando condicion nan inhusto pa nan yega na un tereno. Partido AVP ta bai continua cu estudio profundo pa percura pa tin un maneho dirigi ariba elimina e condicionan inhusto pa nan yega na un vivienda y crea oportunidad pa hobenan adulto por realisa nan soño di tin nan propio hogar.

ORACION DI DIA




Un dia fructifero colma cu hopi bendicion di Dios

”Ma algo tabata stroba nan bista, di moda cu nan no por a reconoc’E” Lucas 24,16

Hesus ta aparece na dos discipel cu ta na caminda pa Emaus. Riba caminda pa Emaus, Cleofas y otro discipel nan wowo tawata tapa y scur door di tristeza di loke a pasa cu Hesus na Herusalem, p’esey nan no por a reconoce Hesus na prome instante, pero mas laat y mientras Hesus tawata come hunto cu nan y El a coge e pan, gradici Dios, kibr’e y duna nan. E ora nan wowo a habri y nan a reconoce Hesus. Hesus resucita ta sali na encuentro di Su siguidonan cu ta experimenta dificultadnan y ta perdi sin futuro. Durante di Su ministerio terenal Hesus a muestra amor pa Su prohimo, ora E tawata bendiciona y sirbi pobernan, enfermonan y afligidonan. Hesus no ta un stanhero den nos caminda, pero Hesus crucifica cu a Resucita y ta busca nos. E conoce nos y ta stima nos. Den nos propio caminda pa Emaus, Hesus ta invita nos pa bin cerca djE y pa nos sinti goso cu n’E. Nos mester invita Hesus pa keda cu nos. Nos mester renoba nos Fe den djE cu oracion diario y honra Escritura. Asina semper Hesus ta cerca nos.

Oracion: Mi Señor y mi Dios, pa semper mi keda puntra pa Bo Señor, acudi na Bo poder y cu mi keda busca Bo cara Sagrado. Amen.





PRONOSTICO DI TEMPO

VALIDO TE DIASABRA 06 DI APRIL 2024,
18:00 ORA
TEMPO:
AWE TARDI Y AWE NOCHI: PARCIALMENTE NUBLA
Y GENERALMENTE SECO
DEN MARDUGA Y MAYAN: PARCIAMENTE NUBLA CU UN POSIBEL AWACERO PASAJERO

TEMPERATURA MAXIMO 32 GRADO CELSIUS
TEMPERATURA MINIMO 27 GRADO CELSIUS
INDICE DI CALOR (HEAT INDEX) DEN Y ROND
DI ORANAN DI MERDIA: 33 PA 38 GRADO CELSIUS
UV INDEX: 12
POTENCIAL DI AWACERO PA PROXIMO 24 ORA:
1 MM OF MENOS; LOCALMENTE ESAKI POR TA DIFERENTE.
REGISTRACION DI TEMPERATURA (GRADO CELSIUS) Y
AWACERO (MM) DEN ULTIMO 24 ORA (8’AM PA 8’AM):
PRONOSTICO DI TEMPO PA PROXIMO 3 DIANAN:
PARCIALMENTE NUBLA, STOFFERIG CU UN AWACERO PASAJERO. BIENTO LO TA MODERA TE BASTA FUERTE
FOR DI DIRECCION OOST; FUERTE TE DURO DEN RAFAGA.
TEMPERATURA (GRADO CELSIUS) MAX / MIN LO TA: 32 / 27

Parlamentario Alvin Molina (MEP):

Hotel Secrets mester ta beneficoso pa nos hendenan local



'All inclusive' no ta e tipo di hotel mas ideal pa promove negoshi local, paso e huespednan por ricibi diferente servicio den e hotel "on site" mes. Di un banda, ta comprendibel dicon e tempo ey a scoge un 'all inclusive', pa motibo cu no tabatin suficiente comercio den San Nicolas pa sirbi e grupo grandi di cliente di e hotel.

Pa hotel Secrets trece un 'spin off' positivo pa Aruba y specialmente pa e area pariba di brug, lo mester keda dialoga continuamente cu gerente di

hotel y departamentonan gubernamental concerni. Mi ta sumamente contento cu gerente di e hotel ta dispuesto pa colabora cu gobierno riba varios topico na bienestar di nos ciudadanonan.

Un punto hopi importante ta e cuponan di trabou cu un hotel nobo lo bin cune. Mester percursa pa mas tanto posibel nos hendenan local haya e prome oportunidad pa ocupa e funcionnan den tur departamento y riba tur nivel. Hendenan cu ya caba ta traha den sector hotelero



na Noord, pero ta biba pariba di brug, pa nan tin e oportunidad pa traha cerca di cas, cu lo spaar nan algun ora pa dia y alrededor di 400-500 florin mensualmente na transporte.

Pesey, mi a haci un peticion na nos Minister di Labor Sr. Glenbert Croes

pa organisa un "job fair" na San Nicolas. En conexion cu esaki, varios reunion ya caba a tuma lugar cu gerente di Secrets Hotel/Three Rivers, Minister Glenbert Croes, Departamento di Labor, Enseñansa pa Empleo y oficina Edison Briesen. Tambe e peticion ta encera pa duna

curso/training na esnan cu tin e deseo pa ocupa cierto funcion den hotel, pero kisas falta un tiki conocimiento y/of experiencia. Secrets ta e prome y 'hopefully' e ultimo hotel grandi pariba di brug. Nos tin cu percursa pa e ta un proyecto beneficoso pa nos hendenan.

Polis y ambulans a bay Uruguaystraat pa un homber di edad cu a bebe dimas y a dal abao

Diabierna Santo atardi a drenta informe di cu tin un homber di edad benta abao den Uruguaystraat patras di Setar nan no sa si ela cay of nan lo a maltrate, mesora a dirigi tanto polis como ambulans na e sitio.

Na yegada di e patruya a haya e homber di 88 aña benta abao y a laga ambulans bin controle. Despues di a control'e a bin haya sa

cu ta bao influencia so e ta y polis a percursa pa e ve-

hiculo di transporte hiba e homber su cas.

